

齊源縣志卷四

祀典

濟有專祀濟瀆是也北海之祭康熙年間廷臣議改而

聖祖俞之祀爲國之大事

皇朝禮明樂備而於

文廟尤多

盛典壇壝祠宇各有儀文舊志所未載者補之軒轅祭天於天壇傳聞之言旣不可信後世間亦舉行然不在祀典則仍缺之志祀典

濟瀆廟

在縣治西北乾隆二年奉勅重脩巡撫尹會一有記

御祭祭品

帛一

爵三

大羹一

和羹二

黍

稷

稻

粱

形鹽

藁魚

棗

栗

榛

菱

芡

鹿脯

白餅

黑餅

韭菹

醯醢

菁菹

鹿醢

芹菹

兔醢

笋菹

魚醢

脾胾

豚胎

牛一

豕一

羊一

神位之前設帛以筐獻酒以爵爵之前中爲大羹盛

之以登左右爲和羹盛之以劍前有簠簋各二以盛

黍稷稻粱

四者皆煮爲飯

其左籩十以盛形鹽藁魚棗栗

四籩

居中與榛菱芡鹿脯

四籩居左之左

及白餅黑餅

一籩旁列分前後

右豆十以盛韭菹醢醢菁菹鹿醢與芹菹兔醢笋菹

魚醢及脾胛豚胎

各豆陳設之次如左

牛羊豕以俎盛之

形鹽卽食鹽藁魚卽乾魚也白餅用小麥麵黑餅

用蕎麥麵菹皆生用洗淨醢醢用猪肉皮切絲加

醋酒其餘亦皆碎切用油醬炒熟脾胛用牛蒹皮

切絲豚胎用猪肉切方塊亦皆煮熟

舊志祭品缺並且多訛謬今參考各志謹爲改補并略敘陳設之次以昭示來茲

北海神

御祭祭品同濟瀆廟

康熙二十六年六月內奉文

北海神改祭混同江

御祭祭文

世祖章皇帝親政祭告濟瀆神文

順治八年
官設國璋

遣

維神毓精玉屋致雨興雲坎德靈長澤被萬物歷代

帝王咸敦禋祀朕誕膺

天命紹纘丕基用率典常命官致祭惟神鑒焉

祭告北海神文

維神源疏朔漠派衍天墟滃滙大盈汪洋重潤朕誕膺

天命淹有多方謹遣崇官代陳殷荐伏惟鑒享

順治十八年遣官冀如錫康熙六年遣官艾元徵祭文同前不具錄通志所不載者亦不錄

聖祖仁皇帝以疆宇蕩平祭告濟瀆文

康熙二十一年遣官圖納

維神清澄秉德隱顯昭靈美利不言神功獨運朕祇承神佑疆宇蕩平特遣崇官用申殷荐惟神鑒焉

祭告北海文

維神波涵溟渤澤浸幽營溥潤無方時盈不竭朕祇承神佑疆宇蕩平特遣專官用申殷薦惟神鑒焉

聖駕巡幸祭告濟瀆文

康熙二十三年遣官郭爾多

維神毓靈玉屋導沈截河蕩垢清流通和潤物朕祇承神佑稽古省方特遣專官用申殷荐惟神鑒焉

祭告北海文

維神瀚海之域委羽之區地六儲精天一定位朕茲省方時邁稽古常經特遣專官祇脩祀事神其鑒焉

孝莊文皇后祔廟祭告濟瀆文

康熙二十七年遣官對親

維神伏地成流截河赴海淵源王屋沾灌數州朕纘承

祖宗丕基虔恭明祀茲以

皇祖妣孝莊仁宣誠憲恭懿翊天啓聖文皇后神主升祔太廟禮成特遣專官用申秩祭惟神鑒焉

蕩平漠北祭告濟瀆文

康熙三十六年遣官特默德

維神秉德潔清狀流隱見孕靈王屋作潤岱宗朕以勦除狡寇三履遐荒期掃邊塵乂安中外今者祇承神佑塞外永清用告成功專官秩祀惟神鑒焉

萬壽五旬祭告濟瀆文

康熙四十二年遣官鍾申保

維神秉德潔清伏流隱現千里沾潤萬載安瀾朕祇
承休命統馭寰區夙夜勤勞殫思上理歷茲四十餘
載今者適屆五旬海宇昇平民生樂業見輿情之愛
戴沛下土之恩膏特遣專官虔申秩祀尚憑靈貺益
錫蕃禧佑我國家共登仁壽神其鑒焉

萬壽六旬祭告濟瀆文

康熙五十二年
遣官李先復

維神隱見分流潔清秉德安瀾千里沛澤群生朕纘
受鴻圖撫臨區宇殫思上理夙夜勤求惟日孜孜不
遑暇逸茲御極五十餘年適當六旬初屆所幸四方
寧謐百姓入和稼穡歲登風雨時若維庶徵之協應

爰羣祀之虔脩特遣專官式循舊典冀益贊雍熙之
運尚永始仁壽之休俯鑒精忱用垂歆格

孝惠皇后祔廟祭告濟瀆文

康熙五十八年
遣官魏廷珍

維神導源玉屋流潤青齊德秉長清功高永利朕纘
承

祖宗丕基虔恭明祀茲以

皇妣孝惠仁憲端懿純德順天翼聖章皇后神主升祔
太廟禮成特遣專官用申秩祭惟神鑒焉

世宗憲皇帝嗣位祭告濟瀆文

雍正元年
遣官瓦渾岱

遣

維神隱見分流潔清秉德安瀾千里沛澤羣生朕纘

受丕基新承景命竊念

皇考膺圖以來百靈効順四海從風坐享昇平六十餘載茲當嗣位之始宜隆祀享之儀特遣專官虔申昭告惟冀時和歲稔物阜民安淳風遍洽乎寰區厚德長敷於率上尚其歆格鑒此精誠

加封濟瀆神號祭告文

雍正三年
官紀成斌

遣

維神一清著德善下安瀾導沈濬源溢榮分派朕撫馭寰區考稽典禮將祈福以庇民宜加封而致祭爰命所司崇神封號曰北瀆永惠大濟之神所冀波瀾永息蒸黎獲利濟之安風雨以時稼穡享屢豐之慶

神其昭鑒來饗苾芬

以上俱載河南通志

今上嗣位祭告濟瀆文

乾隆元年
遣官王勃

維神導源王屋澤潤充郊清澈衆流靈昭伏見朕纘
承大統仰紹前徽伏念

皇考臨馭以來敬禮明神肅將禋祀靈祇孚應昭受鴻庥清
宴奠安茂登上理茲常嗣位之始宜隆望秩之儀特
遣專官虔申祭告惟冀雨暘時若年穀順成萬方蒙
樂育之休兆姓荷綈幪之德尚其歆格鑒此精誠

聖駕巡幸中州祭告濟瀆文

乾隆十三年
遣官胡振組

維神源從導沈功著截河伏以流謙滂之不濁朕祇
承默佑稽古時巡爰遣專官周申殷荐神其鑒焉
邊徼救寧

中宮攝位恭上

皇太后徽號祭告濟瀆文

乾隆十四年
遣官顧汝脩

維神源分沈水功截河流潛伏地中清而不濁發以

邊徼救寧 中宮攝位

慈寧晉號慶洽神人敬遣專官周申殷荐神其鑒焉

皇帝冊立

皇后恭上

皇太后徽號祭告濟瀆文

乾隆十五年遣官周長發

維神源分沅水功截河流潛伏地中清而不濁茲以

正位中宮鴻儀懋舉

慈寧晉號慶洽神人敬遣專官用申殷荐神其鑒焉

皇太后萬壽加上

徽號祭告濟瀆文

乾隆十七年遣官朱琪

維神源分沅水功截河流潛伏地中清而不濁茲以

慈寧萬壽懋舉鴻儀敬晉

徽稱神人慶洽爰申殷荐特遣專官神其鑒焉

平定準夷加上

皇太后徽號祭告濟瀆文

乾隆二十年
遣官謝浴生

維神衍派常山分源沅水潛通地脉廣沛清流茲以
平定準噶爾大功告成加上

皇太后徽號中外同歡神人洽慶敬遣專官用申秩祭惟神

鑒焉

回部悉平祭告濟瀆文

乾隆二十四年
遣官龔學海

維神衍派溫城溯源王屋亘數州而襟帶分二道以
滌洄濁不撓清水德能消夫氛塩潛而必見地維常
貫於廣輪茲以回部悉平遠人胥服大功既奏慶典

斯昭合薄海以懷柔百神咸秩將大川之禋祀列岳

攸同遣我專官尚其來格

御賜匾額

康熙三十七年

御書沈濟靈源頒懸淵德殿

乾隆三年

御書流清普惠頒懸淵德殿

祭告之文

皇言爲重如綸如緯典禮光昭非尋常藝文所可比也今敬錄之載於祀典若前代碑文豈能備載擇其愛勤爲國愛民事神者分別抄存仍冠於藝文之首

濟源縣志卷四終

濟源縣志卷五

祀典二

文廟

唐武德二年詔國子學立孔子廟郡縣立祠則自貞觀四年始

每歲春秋仲月上丁日致祭

正殿

至聖先師孔子

祭品

牛一 羊一 籩豆三十六

豕一 帛一

兔一 爵三

四配

宋咸淳三年定四配十哲享於廟中

祭品左右各

羊一 豕一 籩豆二十四

兔一 爵二

帛二

十哲

康熙五十一年陞宋儒朱子乾隆三年復陞先賢有子

祭品左右各

羊一 豕一 籩豆二十四

爵一

帛一

兩廡

先賢七十二位 先儒五十一位

祭品同十哲

崇聖祠

雍正元年追封孔子五代
為王爵禮與大成殿同

肇聖王木金父公

裕聖王祈父公

詒聖王防叔公

昌聖王伯夏公

啟聖王叔梁公

祭品如正殿 少牛

康熙二十九年正月巡撫閩興邦裁定樂舞生六十

四名

歌章四名 笙一名 簫二名 笛二名

琴二名 瑟二名 篪二名 塤二名

拊簫二名 搏拊鼓一名 祝一名

敔一名 鐘一名 磬一名 大鼓一名

執麾一名 引爵一名 舞生三十六名 見舊志

佾舞擇民間俊秀子弟爲之乾隆六年巡撫雅爾

圖聘請曲阜樂舞生三人來豫教習

祭器

大爵四十四 錫

中爵九十六 錫

簠五 竹

簋五 竹

雲雷尊一 錫

燈一 瓦

篚二 竹

鉶二十 錫

組八 竹

籩二百零四 竹

豆二百零四 木

見舊志

樂章

迎神

大哉至聖

道德尊崇

維持王化

生民是宗

典祀有常

精純並隆

神其來格

於昭聖容

初獻

自生民來 誰底其盛 惟師神明 度越前聖
粢帛具成 禮容斯稱 黍稷非馨 惟神之聽
亞獻

大哉聖師 實天生德 作樂以崇 時祀無斁
清酏惟馨 嘉牲孔碩 荐羞神明 庶幾昭格

三獻

百王宗師 生民物軌 瞻之洋洋 神其寧止
酌彼金罍 惟清且旨 登獻惟三 於戲成禮
徹饌

犧象在前 豆籩在列 以享以荐 既芬既潔

禮成樂備 人和神悅 祭則受福 率遵無越

送神

有嚴學宮 四方來崇 恪恭祀事 威儀雍容

歆茲惟馨 神馭還復 明禋斯畢 咸膺百福

風雲雷雨壇在縣治正南

山川社稷壇在縣治西北俱明洪武三年立歲以春秋

仲月上戊日致祭

先農壇在縣治東南雍正五年始立地基一畝九分三

釐壇前置藉田四畝九分歲仲春亥日率屬員耆

老農夫致祭行九推禮

邑厲壇在東門外明洪武三年立歲以清明節七月望日十月朔日祀之

八蜡廟在東門外歲以春秋仲月上戊日致祭

劉猛將軍合祀於八蜡廟中

關帝廟在城北門內乾隆十年重脩拜殿兩廊邑紳

何兆瑞等重脩

每歲以春秋二仲月及五月十三日致祭用大牢

雍正元年追封三代爲公爵曰

光昭公

裕昌公

成忠公即於是日先祭

城隍廟在城西門內祭戊日於南壇設位並祭

名宦祠

鄉賢祠俱於祭丁日致祭

忠義孝弟祠在學宮東

節孝祠在崇寧街俱雍正六年奉文創建祭戊日致祭

濟源縣志卷六

水利 附堤坊

養民莫先於足食而食之自出厥為農田田所由興
厥惟水利是凡為民牧者所當加意也濟邑西北多
山田皆高阜滌浹諸水河低於地難資灌溉故出產
不豐惟濟水發源於王屋兩見於平原匯而為渠畧
為引導遂成沃壤次則沁水來自山西前人枋口之
建利及隣封但時廢時興率多勞費自五龍口三渠
開鑿至今安受其利垂二百年前人之成迹可循黎
庶之殷憂湏念苟有利不為之與其於養民之道寧

無愧乎志水利而附以堤防

濟水

千倉渠上堰源出濟廟西穿廟東流合萬泉寨之水逕鐵岸至碑子村斗門橋分為六閘灌堰頭西水屯西許東許蓮東閻家莊等處稻田二十七頃八十畝零千倉渠下堰即千功堰源出於龍潭由濟廟南過臨濟橋逕碑子村分為五閘灌南北水屯堽頭馬頭等處稻田三十四頃

二堰共利地六十一頃有零開自唐河陽節度溫造宋虞部員外郎陳知儉經管水利分析科條奏

請立石定例穀雨築堰秋分決壩水經注謂一水
枝津南流注於涇水是也自穀雨至霜降無利地
戶不得浸灌旱地分減水勢亦不得妄置水磴惟
折旋原渠不減原水者方許置用迄今遵行無敢
或違焉

按二堰流至南程村合而為一東達水東村入河
內界逕柏香而南至溫縣故城歷虢公臺南流注
於河為大禹導濟之故道其柏香西門另開支河
引水直達懷城由西閔入天鷲池復東北流穴城
而出東入於沁舊志謂濟神之尊豈肯作人耳目

之翫然水之所經必有利焉昔人開浚之由未必

專為觀玩而然也

今按濟水引灌城壕植蒲蓮宋時已見陳虞部奏劄內其入天

驚池者元至元中總管石林所為名之曰順利渠蓋自柏香至郡沿渠之地獲益亦多也

千倉渠水利奏立科條碑記

准司農寺牒准熙寧三年八月二十七日中書劄子

提舉京西路常平廣惠倉兼管司農田水利差役事

殿中丞陳知儉狀准中書劄子准三司使公事吳充

劄子奏臣任京西轉運使日竊見孟州濟源縣舊有

渠堰傳沿為唐河陽節度使温造壅濟水以溉民田

謂之千倉渠歲久堙廢本州引此水灌城壕池沼植

溝道之外大姓以水磴專其利者久矣臣遂肆濟源
縣種診募民興復渠堰堰成民得種稻鄉時畝為錢
百餘者今幾貳仟錢則厚薄可見然用水多少未有
限約而害渠堰之利者常在水磴之家及引水入州
城經數十里水行地上隄道小不如法則皆決注散
溢以此民之所用不得其半亦可惜也○○○指揮
本務邢提舉官壹員親詣地頭詢求利害立為科條
民上下均停浸灌以息爭訟務令經久不為豪有力
者規銅其利○○○○降勅命指揮仍令本縣令
佐銜位中書管勾渠堰所費用心取進止右奉聖旨

宜令京西路提舉官依三司上項奏請事理具合立

科條聞奏劄付提舉京西路常平廣惠倉司准此○

○○○孟州濟源縣親詣地頭詢訪利害勾集稻田

人戶立定科條謹具畫一如後知儉詢訪到上件利

害立到科條並在前項開○○畫地圖壹本連在前

知儉契勘上件濟瀆昨自嘉祐八年興復古千倉渠

堰水種稻民甚獲利後來止因豪民要濟水專○○

將入州城水盜決入湫河致得州城水小於治

平二年本州差官下縣點檢而所差官不究盜水之

弊遂於濟水作堰○○其石堰分減水利因此千倉

渠稻田漸成廢壞况民間興置水田各別置牛具增
添農器費用不少昨來止得二年之利各已○○因
此多下貲本破壞家業至今未得復舊及後來分減
水勢之後用水不足人戶爭訟多口不能為利之久
而為害已至矣今○○立上項條約已具狀申奏况
朝廷更賜詳酌如可施行乞降勅指揮降下孟州遵
守并下轉運提刑司常切覺察及乞依吳充奏○令
本○○○中帶管勾渠堰以為永遠之利奏聞去
訖今先具詢訪到利害共一十件逐件各別立條約
于後右進呈聖旨宜令京西轉運司并依所奏施行

濟水縣志卷六
四
劉付司農寺准此牒請一依中書劄子指揮施行關牒各屬去處照會施行

今將前項利害各立科條如後

一濟水更不分入濟河並入千倉渠澆灌稻田
一孟州城池只用濟河泉水常於龍港溝點檢不得令人盜決如遇大旱水小亦不得於千倉渠濟水內分減

一懷州更不分濟水入州城如遇開閘水還濟河許依舊通流

一龍潭水自來合濟水入千倉渠不得引入別

河興置水磨等分減水勢如依舊却還干倉
渠者即許使用

一於濟水上源舊石閘處置閘一座每年正月
十五日已後開閘水盡入干倉渠至九月一
日已後開閘水盡入濟河許水磨戶使用如
遇閉閘時月非汎水長亦許開閘減放如遇
閏月節氣早晚不定至九月稻田未熟尚要
水澆灌須候不用水亦許開閘如遇閘有損
壞並係水磨戶晝時脩整不得有悞稻田便
用每遇開閘並須申縣取稻田人戶狀實不

用水委官監視方得開閘仍候向去人戶脩築堤塘可以將無用水收蓄增置稻田亦更不開閘充動磨使用

一于倉渠兩岸地土除自嘉祐八年後來至今年已前已曾經種及現種稻田地土先許耕種作水田外其餘並未得與作水田後來年舊田興作了日尚有餘剩水勢即許衆戶申縣相度所剩水勢更可以的實增添多少頃畝自許里道已東沿渠自上及下從近及遠添展地土亦不得廣有增添却致水少復成

爭訟其今來合種水田地土並委本縣據人
戶姓名地段頃畝四至置簿拘管如有添展
亦依此施行

一稻田人戶全閘定渠水後每一時辰澆田一
頃以一閘內所管田地頃畝通算時辰如一
閘內收水不盡許以次閘同共收使通計頃
畝算用時辰如田土閘一里已外據頃畝以
五時辰充四時辰每遇開閘並須上下甲頭
同共照管時辰纔滿立便開閘上閘已西郭
術地內舊有水口一個澆灌見種稻田約四

十畝原不用閘堰已現定水口濶五寸深四寸並有泉四眼或水餘旋行閉塞即不得透水入濟河其管阡陌道兩邊各有引水渠並許公共引水使用地主不得占○亦不得深作壕塹如田段在中間不近阡陌道許於並段上流人戶畦隔內通水使用不得攔占

一今來許里道上閘已西不得更置閘堰及舊各不得增高如上閘已下添移閘堰並甲官取上下隣閘人戶定奪無妨礙方得添移

一沿渠人戶分作上流中流下流三等每等各

置甲頭一人以逐等內地土物力最閼百姓
充管地分內都丈頃畝用水時辰開閘閘堰
供報文字如敢作弊斂掠人戶錢物並行嚴
斷

一已上所立條約如州縣官吏故有違犯爭奪
水勢乞科進制之罪仍許人戶經轉運提刑
司陳訴如稻田人戶自相侵犯不守條約乞
從違制失定斷

亨利渠在千倉渠下堰之下順治十四年邑令夏諱霖
所開分用下堰之水灌南水屯堰頭西馬頭中馬頭

東馬頭等村地五十餘頃後河淤閘損乾隆六年邑
令董諱榕督民重脩定例穀雨以後灌溉稻田土壅
南河口務令堅實霜降以後灌溉旱地閉塞東閘不
許先時乾隆七年因張居德等欲截下河水利私建
閘座下堰利戶鄧天衢等赴縣赴府呈控前令顧謙
以築土為埧中間堵塞木板逼水灌溉麥田所建之
閘押令拆毀續兩造互控陳令復勘訊敘覆經護府
張批准立案勒碑永禁私建閘座非時截水而爭端
以息

沁水

秦渠在縣東三十里沁河源出山西沁源縣銅鏡山由
澤州入濟源界秦時以枋木為門以備蓄洩故名枋
口魏司馬孚表請易之以石隋盧賁為懷州刺史引
沁水灌民田名曰利民渠又派入溫縣名曰溫潤渠
唐溫造為河陽節度使秦復秦渠枋口堰以溉濟河
溫武四縣田五千頃元中統二年提舉王允中大使
楊端仁奉詔開渠脩堰利濟源河內河陽溫武五縣
村坊四百六十三處名曰廣濟河天歷三年懷慶路
同知阿合馬奏令五縣使水人戶疏通渠口立牌起
堰公私並便上從之明宏治六年河南叅政朱瑄上

言廣濟渠坊口堰苟盡人力可甦民困白巡撫徐恪
以聞勅瑄專理其事隨宜宣通置閘啟閉由是田得
灌溉旱潦有備

今按枋口舊迹久經坍塌河身寬濶隄堰難成水
勢直趨河內遲溫武而入黃河雖沿河村莊間開
支河以取水而利已微利豐渠建因其纍纍遺石
查即枋口故址但前堰大河此則於隄內開渠所
利濟河二邑之地無多追續開永利廣濟二渠而
濟之東境河之西境遂多沃壤焉

利豐渠在五龍口前明成化嘉靖間河濟二邑民人開

其母河自五龍口下至王寨利地七頃有零逕天平
閘分為利仁豐稔二渠利仁渠自程村西北流澆灌
許村安村梁莊曲塚等田二十六頃有零豐稔渠自
程村東南流澆灌朱村樊家莊等田六頃有零樊家
莊以下又分南北二支南河灌水運橋頭水東梨林
塚上薛莊等田三十九頃零北河灌東許小許范家
莊小官莊等田二十四頃零俱達河內界

按河內志利仁渠由縣城西北至東郭閘口入於
沁豐稔渠經縣西崇義鎮入湫水後與利仁渠合

故河內利地最多康熙丁巳秋沁水泛溢口淤堤壞河遂廢太守楊公河倅郭公旋即修復邑紳井陘道楊公蕃生為文記其事有碑見立閘上乃舊志略二渠之名不書而河志亦不載此碑不幾受其利而忘所自乎今錄其碑於左

修復利豐河碑記

康熙十七年立

山西

楊蕃生

河內人

利豐河肇開於明嘉靖二十五年規模粗具遞廢興者三繼萬歷丙辰胡公沾恩令河內從新整飭口岸砌以石始盤固迄茲其口其身為余族伯大中丞嗣修之叔祖純以七百八十金易濟民地一口兩腹南

豐念七刊二至星村天正開分焉廷反方餘望龍七

豐稔北利仁至程村天平閘分焉延袤百餘里灌漑
河濟兩邑田為利至溥也客秋沁水泛溢口於咽塞
石堤衝沒殆盡河又廢是猶鑄釜烹食食成釜碎天
之災也謂非農民之大不幸哉太守楊公河倅郭公
心煩於慮而身親其勞同詣河十度工限程委令公
直生員楊化生等督同總管堰甲重脩之諸首領率
作惟勤各殫厥職又加之兩公日省月試不憚馳驅
以故開工於去冬十月廿頭告竣於今春三月中旬
若斯之速也灰石物料工價口食惟公直日其計而
時其出納假官濟私兩公則鄙其非而痛絕之工完

利濟士民感恩廼丐余作記余竊惟善忠君者先愛
民善愛民者先謀食夫河食之源也胡公治是河河
濟二邑無凶年其忠君愛民之心固已著於菑矣今
兩公脩復其舊是誠所謂後先同揆也世之施小惠
者當時則榮過則已焉若兩公之澤當與河流並長
兩公之功實同天地不朽矣噫微獨農民世世賴之
即胡公亦且借二公而永終其譽哉昔漢召公信臣
為南陽太守造鉗盧陂於穰縣南用廣灌溉畝收皆
一鍾人獲其利及後漢杜公詩為守振興其業時歌
之曰前有召父後有杜母其即今日之謂與兩公德

政撫百姓恩加六邑異日必有聞之

天子書之史官余固可畧也茲以河人之請特取治河之事而喜為天下後世道云太守公諱廷耀三韓人也河倅公諱璉盛京保安人也併誌之

永利渠在利豐渠西前明萬歷三十年史公記言與河內袁公應泰鑿山開洞引沁水入內地濟民初鑿其西袁給史曰濟力弱姑鑿其下渠成乃相易及渠成則食言濟在西所用乃在東之水故資其利者無多續石公應嵩令濟乃自休昌以下開玉帶河直達南程建大閘一下分三堰灌牛家社苗店等田八十頃

由苗店東分水石分為二支一南流置六閘灌西湖
官莊郭路瑞村薛家莊等田五十九頃五十畝一東
流置八閘灌西湖梨林北榮薛莊官莊等田一百一
十二頃六十畝

按五龍口三洞源遠流長灌溉河濟二邑之田為
利均非淺尠而利豐廣濟二渠利濟不及三分之
一惟永利則專利於濟共溉田二百五十餘頃邑
之東偏咸蔭稅稻幾無復知有凶年史公之有造
於濟者可忘之耶查東門外舊有史公生祠改革
之後坍沒無存而碑記僅見之舊志其載公之興

養立教善政多端固不獨鑿山開渠一事也乃廣濟閘上倚石為祠內塑袁公像利豐閘上亦有胡公河民感德之切固宜而永利閘則寂然無考求其當日開渠建閘一言皆不可得豈公因為袁給遂甘韜晦不欲自顯其功耶然公雖自晦而食其德者不宜忘所自爰進用水各戶而諭之為補建祠宇立史公遺愛碑於內以志不朽焉

廣濟渠在永利渠西架橋而東直趨河內由東許村下分四堰惟永益堰灌北官莊休昌等田六頃七十八畝零天福堰灌許村朱村等田二十二頃九十五畝

零又水車四架灌田三頃四十二畝零

按廣濟渠雖河內所開而經由濟地濟民壞地承糧自應分水灌田乃利地無幾而永利常豐二堰則皆為河內用且入河內界計分二十四堰利地較濟多數倍濟人謂史為袁給者以此

興利小河在五龍口下前萬歷天啟年間邑令塗督開溉河頭村和家莊王寨村等田百六十頃八十畝零仍歸於沁

興利河碑記

天啟二年
年上立

進余披懷土宇雅知濟為河源其利溥繼觀於沁而

其利乃與濟埒焉昔當孟秋余方學詩於別墅適有
李氏諱三統者即余覓卷道及興利河就緒甚悉且
曰利之興也縣尊塗公是賴願加珠璣敬銘之石庶
乎利其利者與川流並不朽乎余即不文其辭之也
迺蘸筆而書曰自昔神禹疏九河千載而下觀河落
者思功世而季也決排者乏其人遂致閭閻鮮灌溉
之潤雲漢之咏比比是矣不意濟民有祿天實啟之
倏焉而有塗公之來也觀竹馬之載道旋興粒食之
源思稼穡之克艱頓起纘禹之服既而輦止河口俯
察地理於是蒸我髦士而命之旋且進彼役夫而勞

之亡河水府神奇壅者濟矣河伯效靈功且終矣不
類白圭之隣壑大勝鄭國之穿渠此固聖朝膏澤濟
民盡在雨露中矣名曰興利誰云不然

廣惠河在沁河北前明隆慶間創自郡守紀公歲久失
脩而廢乾隆二十四年邑令蕭與數村士民酌議重
脩二十五年冬季告成仍分南北二河計利地五十
六頃有零附錄碑記于左

重開廣惠河記

邑令
蕭應植

濟源之得名也以濟其農田水利得於濟水者為多
次則沁自秦建枋口以導沁流晉司馬孚易之以石

唐溫造節度河陽奏復秦渠以溉濟河溫武四縣田而利乃益廣明萬歷間河令袁濟令史又鑿山開洞而為永利廣濟等渠沁南之水利河濟之受益已多其沁河之北古有灌田河二道一名廣惠前明隆慶年間創自郡守紀公河濟兩縣民田得資灌溉者二百五十餘頃年久湮廢至康熙五十八年前令余君尚鉅率里民李鑑等議復修浚而未竟其功一名利

澤

本朝初年創自前令夏君霖分廣惠而南溉上莊化村等田六十餘頃續亦失脩而廢數村恆以旱熯為苦予

治濟之三年上莊等村士民李平世郭寧等以疏導
舊渠興復水利請予謂興利除弊司牧之責也特恐
以利民者擾民飭令公同確議旋據該士民等詢謀
僉同以為有利無害約需費二千餘金用水地戶各
願捐工捐費不煩公項一文予隨親詣勘度見故道
瞭然舊工可藉遂欣然而可其請乃隸馬兩村之民
抗違不遵因集衆議按照廣惠河上截自上莊東北
挑至任寨其下棄舊河身不用即於任寨之南另開
河尾循利澤下截放水入沁不經隸馬兩村無庸派
其工費惟隸村有地數十畝與任寨等村相錯水所

必經派令照畝出資又復梗議捏詞控府蒙發縣查
予復詣工勘飭遵取結覆立案奉郡憲親履其地
細勘情形實有裨于民生利益於是核定規條其應
資水利者上莊寺莊遂寨任寨留村化村遂村計七
處共地六十餘頃有零土工各按畝出夫石工則計
畝輸費其有舊河身外挑動地畝則公估時價照數
給之石梯之上倚石為牆沫人峪口復壘石為岸下
至沙河建立大閘設為重枋需水始行開放而於其
南建放水閘一座不用水時放之入沁以防汎溢上
莊以西仍分南北二河中建分水一閘南河經留村

化村而入沁北河則由上莊而北經任寨西復南逕
寺莊而歸于沁至賀坡之東有白澗河一道而後山
水陡發甚暴乃于河下砌作陰洞上面平鋪石板約
五十丈旁建八字牆二座使利水下行澗水上出不
相妨碍焉是役也經始於己卯五月旋以天旱薄收
民力艱難暫時停止庚辰二麥有秋民皆踴躍功已
半就秋成又得大熟收穫甫畢衆即共趨閱月而告
厥成功予驅車臨視為之歡慰先是屢奉

憲檄凡有關地方水利者俱令設法興修村民有是請
即思詳報但懼有初鮮終不敢冒昧妄陳乃方一載

而功竣計工費未及三千金而數村之地將來可成
沃壤予深嘉數村之民勇于趨事而又感戴

上天之默佑與以豐收俾得速成可謂以人和而興地利
且得天時之慶矣河成之日適屆縣志重脩告竣因
據實通詳各憲並為之記以附入新志云

以上各渠濟水之外多資於沁皆以人力強成而
濟民之食其利者遂非淺小若胡若袁若史二邑
之民至今崇祀之其名直與渠相終始近者廣惠
河之復利僅偏隅而亦幾費躊躇多方鼓勵惟恐
廢於半途茲幸厥功告竣可垂久遠非欲以此市

德亦庶幾於心少慰焉至前令甘公諱國墀者曾
於廣濟渠之上欲效袁史所為鑿洞開渠盡灌邑
北一帶旱田業倡捐銀穀集衆舉行至以一斗穀
易鑿石一斗不期年已鑿三分之一會以迴避例
調任山東工遂罷故邑人思之立有感恩碑載此
甚詳今為相度形勢需費不貲且非積數年之力
未易奏功雖念切民依殊有志而未逮耳

按濟之水利更有可得而經營者嘗見滇蜀諸山
恒於高阜開田一如梯級相其澗水之上流開為
溝洫橫於山半用水則放循梯而下率以為常又

或為木簡自澗外而達於澗南雖故里

或為木簡自澗北而達於澗南雖數里之遠可以
通其灌溉其陡絕之處奔流湍激則製為筒車以
取水機械自動晝夜無停不勞人力一車可利數
頃之田若地勢平整下有澄潭則設牛車利亦不
小更有層層作為閘堰蓄水以灌田者故其地少
平原而出產反豐於他郡此地泥水渙水皆出西
北兩山之間以為地低於河遂任其奔流而莫收
其用深為可惜若倣滇蜀之制在上流者或開溝
或設簡在下流者或作堰或置車各隨其地勢各
分以珍域其興工也則至出食而佃出力大出費

而小出材使有用之水不棄於無用將見數年之內各里皆成沃壤較之開山鑿洞不且力省而功倍乎今欲與邑人酌而行之因為之說以著於篇隄防

徐公築堤碑記

萬歷四
十三年

濟之右泚水直射城腋下居民久患衝潰前憂民者雖慮及此咸苦其難而無策公於是歲春捐俸募夫改河以殺其勢築堤以障其流庶民趨事者若子來焉僅月餘而厥工告成莫大之患一朝而獲安堵因記曰徐公堤俾千載下履堤者觀公德之厚臨流者

沐公澤之深謹記

按徐公築堤護城其未雨綢繆之意載在碑陰康熙十六年邑侯彭一琮再加培築其堤自西關柳園起斜迤東北至城西北角止約一里強二十年
前規模猶在附近園傭侵削日薄遂為漲水汕沒
近則河流順故道而東潺潺漸及城根歷年捐募
民夫於春初就舊堤修築而山水遇大徹為所壞
予細為審度由所改之河窄小而當水之衝地曲
不能取直故新堤難以禦之若於北河大加開擴
曲者決之使水直行然後增築舊堤多施椿埽堤

Page not available.

Please help scan and add.

页面不可用。

请协助扫描添加。

知侯愛民如子饑溺為懷試吏中州歷經委署所至
皆有政聲保障功高亦甚賴賢侯之董率也於是鄉
進士楊濟民等公議增脩合詞以請有水利水患事
關小民之生行文行查歲厯上憲之慮等語各村地
保亦以事關數村生命呈請脩興蕭侯立即准行屢
經親勘委官差役三令五申民皆歡欣吏無需索如
雲趨事不日成功石村修堤悉照舊址計高一丈二
尺寬一丈四尺長二十一丈蕭侯以事小不欲載之
志乘然事閱數村之生命彼土著者既有同志即野
蕪者原無私意且事無論大小惟其利民石村之堤

數村之生命係焉所閔亦甚鉅也况使石村之堤不
乘時修築則澨水之害有不止於數村者唐書地理
志凡一渠之開一堰之立無不記之於其縣之下論
者謂其詳而有體前明洪武末年奏開天下郡縣塘
堰四萬九百八十七處亦可以見保障之功為生民
之大利也記石村脩堤之大概附於水利之中俾各
村士民咸知水之為利莫如沁水之為害莫如澨而
思患預防常為陰雨之綢繆庶無慮橫流之汎濫矣
若蕭侯之利濟斯民大者甚多此固其小者也

濟源縣志卷七

賦役

國家承平百餘年兵和氣翔洽生齒日繁中人之產再傳而不足貧民力墾磽确不遺猶慮乏食視昔之土曠人稀蓋又一景象也

聖祖憐念民艱滋生人丁永免加賦今

上御極之初卽痛斥河南開墾之非寬減陞科而且私徵私派肅然一清雖懷賦偏重濟邑尤甚舊志書之而數十年來

仁恩所沛亦可以深觀

濟源縣志卷七 賦役

濟波縣志卷十
朝廷之德意也志賦役

戶口

原額人丁一萬三千六百三十三丁

逃亾人丁三千七百四十七丁

自順治十六年至康熙二十九年增添人丁一千七百四十一丁見在活丁一萬一千六百二十七丁實徵丁銀五百六十三兩六錢八分

共戶一萬一千六百二十七戶計男婦大小六萬一

千三百七十五口

舊志

康熙三十年起至五十年共增九十二丁應增派丁

銀四兩六錢

康熙五十一年奉

旨各省人丁即以五十年爲額嗣後編審之年但查丁口之數不必加增丁銀著爲定例自康熙五十一年起至乾隆六年共收滋生人丁一千九十九丁遵奉恩旨永不加賦

共戶一萬一千六百六十八戶計男婦大小六萬二千五百六十六口

內除滋生人丁一千九十九丁不加賦實在徵賦人丁一萬一千七百一十九丁每丁派銀五分共徵銀

五百八十五兩九錢五分收併懷慶衛人丁六丁每
丁派銀二錢共徵丁銀一兩二錢以上民衛共徵丁
銀五百八十七兩一錢五分

雍正四年十二月內奉

旨允准題覆就一邑之丁銀勻派于本邑地糧之內無論
紳衿民戶不分等則一例輸將計算按每地糧銀一
兩該攤派丁銀一分二釐二毫五忽一微三纖三塵
六埃三渺六漠一灰

班匠價銀八十四兩一錢五分

乾隆三年十二月內奉

旨允准題覆就一邑之匠價勻派于本邑地糧之內無論紳衿民戶不分等則一例輸將計算按每地糧銀一兩該攤派匠價銀一釐七毫一微八纖一沙一塵一埃五渺二漠一灰

乾隆六年起至二十五年共收滋生人丁二百六十二丁遵奉

恩旨永不加賦

乾隆二十五年現在民衛不除優免共人一萬一千七百二十五丁應徵丁銀五百八十七兩一錢五分照例每糧一兩派丁銀一分二釐五毫六絲五微七

沙八廬三埃六漠一灰

共戶三萬二千七百一十一戶計男婦大小一十三萬二千九十五口

田賦

原額地五千四百三十四頃一十六畝八分七釐三毫

國朝順治二年除荒塌地一千七百七十頃一十六畝五分六釐三毫四絲八忽

順治十六年起至康熙二十三年共墾闢地六百四十四頃五畝九分二釐四毫四絲九忽

康熙二十四年起至二十八年共勸墾地九十七頃
二十二畝五釐七毫五絲

康熙二十九年分見在行糧熟地四千二百六十八
頃六畝二分三釐四毫一忽

每畝照依賦役則例並補徵派銀一錢三釐四毫六
絲七忽九微四纖四沙一塵九埃二渺七灰共派銀
四萬四千一百六十兩七錢六分三釐四毫九絲一
忽一微八纖八沙內除學田免銀二十兩九錢九分
九釐八毫一絲四忽二微一纖

收併懷慶衛原額下地八頃六十八畝三分三釐三

毫三絲無主全荒

康熙十六年分

首報額外沁河退灘地六頃照依極下地則例每畝
徵銀二分三毫四絲六忽八纖六漠四埃四渺八灰
連丁匠共徵銀一十二兩二錢八釐一毫一絲八忽
六纖八沙八埃

歷年黃沁兩河灘地共收一百二十六頃三十四畝
八分二釐二毫照極下地則例稞籽銀共二百五十
七兩二錢六分九釐二毫解 司充公

康熙三十年起至雍正十三年止增入勸墾年滿陞

科地九十七頃二十二畝五釐七毫五絲共熟地四千三百六十五頃二十八畝二分九厘一毫五絲一忽又勸墾自首陞科地二百一十九頃四十三畝四分六釐七毫七絲九微內除學田二頃一十一畝免徵

乾隆元年巡撫富題豁水佔河灘地二頃四十五畝九分一釐八毫共熟地四千五百八十二頃二十五畝八分四釐一毫二絲一忽九微

乾隆元年起至九年共勸墾地四頃三十八畝五分四釐八毫于十九年年滿陞科

二十一年分新入十八年熟地一頃二畝八分九釐
六毫九絲二忽

二十五年分

見在成熟行糧地共四千五百八十八頃七十四畝
六分一釐九毫五絲三忽九微內除學田二頃十一
畝免派

額徵丁地銀四萬八千一百三十九兩五分九釐八
毫六絲五忽四微三纖九沙二塵四埃八渺二漠內
除漕項米豆價銀七千七百八兩二錢四分六釐九
毫八絲一忽八微五纖實徵丁地銀四萬四百二十

兩八錢一分二釐八毫八絲三忽五微八纖九沙二塵四埃八渺二漠

漕項

本色米八千三百一石三斗九升三勺七抄七撮每石價銀八錢每石扣除節省銀一錢五分每石實在價銀六錢五分共銀五千三百九十五兩九錢三釐七毫四絲五忽五纖

乾隆十七年分

又添辦永城等十九州縣黑豆二千八百九十石四斗二升九合四抄六撮每石價銀八錢共銀二千三

海源集卷之九
百一十二兩三錢四分三釐二毫三絲六忽八微共
銀七千七百八兩二錢四分六釐九毫八絲一忽八
微五纖

解支

一應解丁地等銀三萬三千一百一十二兩一錢九
絲三忽二微一纖八沙六塵四埃八渺二漠內分
解 撫院俸銀四十五兩三錢八分四釐四毫

衛河分司餘剩銀一十七兩四錢 都水司快手

工食銀三十四兩三錢一分一釐二毫 沁河退

灘銀一十二兩三錢八分三毫 鄉飲銀三四五

錢七分二釐二毫 牛角額銀五兩四錢八分四釐八毫二絲

實解布政司庫銀三萬二千九百一十兩五分一釐七絲六忽五纖一沙八塵四渺六漠

一解 大部棉布價銀一百六十四兩一錢九分鋪墊銀一十二兩六錢三分

共銀一百七十六兩八錢二分

一解 糧道潤耗銀三百二兩六錢九分五釐七毫

一絲五忽 節省銀一千二百四十五兩二錢八

釐五毫四絲六忽五微五纖 六八漕折銀一千

五百七十一兩五錢五分九釐 輕賣銀三百九

十四兩九錢七釐三毫六絲八忽 折蓆銀二十

一兩一錢八分八釐七毫五纖 臨清倉正耗米

價銀二百四十九兩一錢一分二釐一毫四絲二

忽四微

共銀三千七百八十四兩六錢七分一釐四毫

八絲二忽

一解 驛道常辛店塘撥工料銀一十五兩七錢三

分二釐 邯鄲裕漣二處防秋冬二季塘撥工料

銀一百二十兩 裁扣夫馬工料銀五十九兩四

錢 夫馬小建銀二兩五錢五分

共銀一百九十七兩六錢八分二釐

一解 河北道實在河銀四百一兩一錢九分六釐
五毫 沁河橋募夫工食銀共一百三兩二錢九
分九毫 沁河水夫工食銀一十五兩四錢四分
共銀五百十九兩六錢四分

一解 河北鎮粳米銀四百六十二兩六錢九分九
釐八毫六絲 粟米銀五百六十六兩三錢四分
九釐七毫二絲三忽七纖六塵

共銀一千二十九兩四分九釐五毫八絲三忽

三微七織六塵

一解 本府轎傘扇夫工食銀四十二兩 庫子工
食銀二十四兩 斗級工食銀三十六兩 禁卒
工食銀七十二兩

共銀一百七十四兩

一解 黃河廳俸銀二十八兩五錢九分二釐六毫

門子工食銀六兩 皂隸工食銀三十六兩

快手工食銀二十四兩 轎夫工食銀一十二兩

傘扇夫工食銀九兩

共銀一百一十五兩五錢九分二釐六毫

一支

濟瀆廟

文廟

關帝廟並各壇壝祠廟祭祀等銀一百八兩七錢三分六釐一毫四絲五忽 修理 文廟銀七兩一錢四分八釐二毫

一知縣俸銀四十五兩除扣荒實支銀三十二兩一錢六分六釐七毫 門子工食銀一十二兩 皂隸工食銀九十六兩 馬快手工食銀四十八兩 喂馬草料銀六十一兩七錢六分一毫 民壯

工食銀一百六十兩 轎傘扇夫工食銀四十二兩 庫子工食銀二十四兩 斗級工食銀二十四兩 禁卒工食銀四十八兩

一支教諭訓導俵銀八十兩 喂馬草料銀八兩五錢七分七釐八毫 齋夫工食銀三十六兩 膳夫工食銀四十兩 門斗工食銀一十四兩四錢 一典史俵銀三十三兩一錢一分四釐除扣荒實支銀二十二兩五錢三分一釐 門子工食銀六兩 皂隸工食銀二十四兩 馬夫工食銀六兩 一巡檢俵銀與典史同 皂隸工食銀一十二兩

舖司兵工食銀六十兩

一永利河看閘夫工食銀一十四兩四錢

一支廩糧銀六十九兩三錢三分三釐三毫三絲

乾隆元年奉

旨廩糧免扣荒銀

一支孤貧月糧銀一百三十八兩六分已扣小建花布

銀一十三兩一錢二分五釐四毫五絲

一額設長生遞馬四匹乾隆二十四年于議奏事裁

減二匹解直存馬二匹每匹日支草料銀五分除

小建外歲支銀三十五兩四錢馬夫一名工食

銀三十二兩八錢六分 鞍屨柴值銀三兩五錢五

釐 走遞夫工食銀三十一兩八錢六分

以上共支銀一千三百二十五兩三錢九分二釐七
毫二絲五忽

額設養廉

雍正元年奉

旨允准題覆火耗歸公各官給與養廉額定加一火耗完

納

知縣養廉銀一千二百兩

典史養廉銀八十兩

巡檢養廉銀八十兩

鹽引

舊額鹽引二千二百張

順治十四年正月內奉文因河南州縣荒歉減去引張增入本縣引二千九百七十七張

順治十七年二月內奉文減去引一千一十五張實引四千一百六十二張

懷屬舊食河東池鹽康熙二十四年因河東池鹽不足巡撫王公日藻題請奉

旨暫食長蘆鹽

康熙五十八年奉文分認直隸宛大二縣鹽引一百九十一道

乾隆二十五年

見在鹽引共四千三百五十三張

稅銀

當稅銀四十兩 老稅銀五十二兩六錢六分四釐七毫 原額牙帖銀二十一兩四錢五分六釐 新

增牙帖銀一百三兩六錢七分六釐六毫 盈餘牙

帖銀三百八十六兩四錢六分七釐四毫 新認牙

帖銀二兩六錢 新認驛行牙帖銀三兩二錢 活

稅新增銀一百二十八兩六錢六分七釐九毫 房
地稅契新增銀一十六兩一錢五釐五毫 活稅並
房地稅契銀歲無常額除扣解新增銀外餘銀儘收
儘解

積貯

乾隆二十五年

常平倉原奉額穀二萬石現在實貯穀一萬九千五
百六十四石九斗二升七抄一撮四圭二粟八粒七
顆

漕倉實貯穀三千九百八十四石八斗一升三合四

勺一抄二撮一圭四粟

義社倉實貯穀七百一十一石七斗六升

民捐社倉實貯穀五千一百六十六石六斗一升八合三抄四撮八圭一粟四粒三顆

蠲賑

康熙二十四年十二月奉

旨本年丁地錢糧凡係民欠盡行蠲免

二十五年

恩免田租之半

二十九年夏災

恩免本年丁地錢糧十分之二

三十年夏秋災

恩免本年丁地錢糧十分之三應徵錢糧緩至三十二

十三兩年帶徵

三十一年奉

旨本年丁地錢糧盡行蠲免

以上見舊志

四十七年大旱

詔蠲本年丁地錢糧

五十一年

濟源縣志 卷之二
特恩蠲免本年丁地錢糧并免徵舊欠

六十年大旱奉

特旨散賑蠲免

雍正七年奉

上諭特蠲豫省己酉年額賦四十萬兩濟源縣蠲免銀五千七百六十五兩零

乾隆八年旱災奉

特旨分別散賑蠲免田租十分之三

十年

詔蠲天下錢糧部議分作三年豫省蠲免丁卯年錢糧

曠典

康熙二十七年二月內

恩賜本縣八十歲以上老民趙天秩等五十二名每名給
絹一疋綿一觔米一石肉十觔

恩賜九十歲以上老民王雲龍等四名每名給絹二疋綿
二觔米二石肉二十觔

舊志

四十二年

恩賜本縣七十歲以上老民張九慶等二百四名每名許
一丁侍養免其襍派差役

八十歲以上老民李虎等三百三十四名每名給與

涇陽縣志卷之六
十一
絹綿米肉如例

九十歲以上老民栗應美等二十名每名給與絹綿米肉如例

四十八年

恩賜本縣老民如例

五十二年

恩賜本縣七十歲以上老民孫興等六百八十八名八十歲以上老民劉俊業等二十九名九十歲以上老民鄭維集等十二名如例

雍正元年

恩賜本縣七十歲以上老民吳國鐸等九百三十名八十歲以上老民韓汝奇等五十七名如例

乾隆元年

恩賜本縣七十歲以上老民郭振威等七百八十七名八十歲以上老民陳進才等一百二十名九十歲以上老民侯起賢等六名如例

乾隆十六年

太后六十萬壽

恩賜本縣七十歲以上老民王玉山等三百二十五名八十歲以上老民鄭俊昇等一百六十三名九十歲以

汾陽州志 卷十
上老民王得奇一名如例

齊源縣志卷八

職官

三代官多而易親後世官少而易隔惟縣令爲親民之官且無所不治故其權最重而其任匪輕佐官所以分治而師儒防汎文武兼資貢補有增其有宦績表著者詳於列傳志職官

縣令

惠爲縣令宋有知縣有縣令差京官曰知縣差選人曰令金爲令元爲尹明爲知縣國朝因之

唐

房

瑄

維陽人天寶間以監察御史謫任見名宦

李

拯

天寶年間任王屋令見
玉真公主授道碑記

張

洗

見貞元十二年濟
瀆北海祭品碑文

崔

浹

見貞元十七年任
歐陽脩題跋

王

珍

咸通間為
王屋令

宋

陳省華

四川閬中人太平
興國中任見名宦
馬元穎景祐三
年任

金

夏

提

洪川人大定十
七年任見名宦

納蘭抄合

正大五
年任

元

孔文思

至治二
年任

梁 貞

見名
宦

趙元善

見名
宦

李天祐

至元二十
四年任

張謙
大德三年任

郭居民
見代祀濟瀆北海

明

王維成

洪武元年任

喻益之

洪武二十三年任

陳芳

安平人監生永樂十二年任見名宦二

陳榮祖

宣德十年任

陳令臨晉人見濟瀆廟碑

張冀

正統二年任

李珩

景泰二年任

歐濂

四川眉州人進士天順二年任見名宦

段永

北直蠡縣人進士天順五年任見名宦

廖能

成化元年任

朱貴

北直正定人進士成化三年任

劉綸

陝西乾州人進士成化六年任

王謙

山西太平人進士成化九年任

蔣勛

北直肥鄉人進士成化十七年任見名宦

張掖

陝西鳳翔人進士宏治元年任

張晉

太原衛人舉人宏治五年任

毛鳳

山西夏縣人舉人宏治十一年任

冀玉

山西平遙人舉人正德元年任

張英

北直三河人進士正德四年任歷官御史

郭士奇

山西舉人正德八年任

朱勝

北直順天人舉人正德十一年任

王樞

正德十年任

周傅

湖廣麻城人嘉靖六年任

方鳳

湖廣麻城人嘉靖八年任

楊蔚

湖廣巴陵人舉人嘉靖十年任

安常

湖廣襄陽人舉人嘉靖十二年任

陸鳳

江南淮安人監生嘉靖十六年任

李克恭

山東沂州人監生嘉靖十八年任

詹國恩

山東人監生嘉靖十九年任

黃登 北直順天人舉人 嘉靖二十年任

陶金 湖廣湘鄉人貢生嘉靖 二十一年任見名宦

武鉞 江南來安人舉人 嘉靖二十六年任 李應春 廣東人舉人嘉 靖二十六年任

任應祺 北直滄洲人舉人 嘉靖三十二年任

張芹 山西孝義人進士嘉靖 三十三年任見名宦

杜廷瑄 陝西藍屋人舉人 嘉靖三十五年任 廖仕 湖廣光化人舉人 嘉靖三十七年任

李資元 貴州思南人舉人嘉靖 三十八年任見名宦

孫潮 江南宣城人舉人 嘉靖四十二年任 夏宗虞 浙江上虞人舉人 嘉靖四十五年任

張脩吉 山東高苑人進士 隆慶二年任 劉啟元 山東武城人進士 萬曆元年任

萬井 湖廣武陵人舉人 萬曆五年任 王芳 廣西永安人舉人 萬曆九年任

路宗商

山東禹城人舉人萬歷十四年任見名宦

羅彬

山東滋陽人舉人萬歷十九年任見名宦

武定邦

北直永年人舉人萬歷二十二年任

史記言

山西河津人進士萬歷二十七年任陞戶部主事見名宦

崔科

北直人舉人萬歷三十三年任

解經傳

陝西韓城人進士萬歷三十六年任

何承祚

陝西涇陽人進士萬歷三十六年任

李呈瑞

北直永年人舉人萬歷三十八年任

石應嵩

雲南人進士萬歷四十年任調繁靈寶見名宦

徐允陟

四川人舉人萬歷四十三年任

塗應選

北直延慶人貢士萬歷四十七年任見名宦

季寓庸

江南泰興人進士天啟四年任

朱永泰

陝西南鄭人舉人天啟五年任

靳聖居

北直長垣人進士崇正二年任

靳公歷任潞安慶陽推官死於寇難黃與堅爲任

傳見畿輔通志

莊一鶚

北直東光人舉人崇正四年任

雷起龍

陝西南鄭人舉人崇正五年任

茹鰲

北直人舉人崇正七年任

李顯祖

湖廣黃陂人舉人崇正八年任

劉士鵬

湖廣承天府人舉人崇正八年任

李繼晟

江南松江人舉人崇正九年任

盧時昇

山西陽城人舉人崇正十年任

祝長伸

崇正十一年任

李漸嘉

崇正十三年任

楊于階

山西代州人貢士崇正十五年任

國朝

莊曾明

直隸東光人貢士順治二年任

晉承霖

山西洪洞人貢士順治三年任

齊原系志

卷八 職官

四

孫爾令

山東安邱人進士順治四年任

夏霖

江南江陰人進士順治七年任陞戶部

辜正煨

陝西石泉人舉人順治十五年任

胡可及

江南山陽人進士順治十七年任

謝蘭英

江南當塗人進士康熙元年任

鄧會

福建閩縣人貢士康熙十二年任

彭一琮

湖廣宜春人貢士康熙十四年任

尤應運

福建晉江人拔貢康熙十九年任纂輯志書修理文廟官署皆自爲記其移市北門則

邑紳段綿祚有文記之陞寧紹分司

黃應中

字惟一奉天人貢士康熙三十三年任

甘國輝

正藍旗人監生康熙三十五年任見名宦

王家正

山東濮州人貢士康熙四十一年任

俞沛

浙江錢塘人監生康熙四十年任才智明敏頗能聽訟

余尚鈺

湖廣江夏人進士嘉慶五年任

趙宣

浙江平湖人進士

湯權

字與可浙江游鹽人監生雍正元年任工書法膺薦入內廷脩書議敘出宰案無留贖

于念源

直隸長垣人舉人雍正八年任俸金募勇士搏虎虎患以息並見碑文

顧萼

浙江仁和人副榜貢生雍正八年任

董榕

直隸豐潤人拔貢乾隆四年任才具明敏實心愛民未幾改調新野歷遷牧守後陞江西

陳愷

四川茂州人舉人乾隆六年任和平安靜有循吏之風

寧道

職官

陳于錦

四川新都人舉人乾隆十一年任

許本翼

字繹堂福建南靖人壬戌進士乾隆十七年任以才能調河內縣

蕭應植

字智方號立齋安徽懷寧人癸酉拔貢奉命簡發河南乾隆二十一年任

教諭

(明)

姚

永

洪武三十年任

柳正茂

巴陵人貢生
永樂十年任

金

輝

直隸山陽人
十九年任

董

堅

宣德十年任

韓

參

正統九年任

馬

遜

景泰二年任

呂

凱

鄞縣人天
順四年任

劉

隆

成化六年任

朱

景

江西人貢生
二十年任

高

遷

霍州人舉人
宏治四年任

王

纓

韓城人舉人
十六年任

易

孟

巴陵人正
德二年任

鄭

宇清

南海人舉人
五年任

趙

濬

邢臺人十
五年任

韓

媛

任邱人舉人
嘉靖五年任

侯

郡

鳳翔人舉人十
一年任見名宦

婁元真 常州人 十八年任

劉以讓 巴縣人 二十一年任

吳儒 永壽人 二十六年任

鄭重 江南京衛人 三十四年任

余應洪 莆田人 舉人 三十九年任

司杞 澤州人 舉人 四十年任

郭采 安化人 貢生 四十二年任

張惇 貴州宣尉司舉人 隆慶二年任

楊忠 蘭州人 貢生 四十四年任

李貴中 唐縣人 貢生 萬曆元年任

李嘉種 海門人 貢生 五十年任

毛進朝 河陰人 貢生 七年任

魏至健 洪縣人 貢生 九十年任

陳言 四川人 貢生 十一年任

黃朝英 漳浦人 舉人 十四年任

甘學書 二十一年任

陳耀儒 確山人 貢生 二十三年任

黃雲鶴 黃陂人 貢生 二十九年任

支邦幹 舉人 四十年任

李呈明 信陽州人 貢生 四十六年任

毛鳳翔

歸德府人貢生
四十七年任

曾三省

新鄉人貢生
天啟二年任

余田

合州人舉人
六年任

連西星

柏鄉人舉人
七年任

王宏庇

來安人貢生
崇正二年任

周鳴鳳

東勝左衛人
貢生三年任

簡仁瑞

四川人舉人
四年任

李起

長葛人貢生
八年任

張天章

十一
年任

高一鳳

靈寶人貢生
十二年任

國朝

杜本淵

湯陰人貢生
順治三年任

馮知已

鹿邑人貢生
七年任

石攻玉

陳留人貢生
三年任
十

史鼎鉉

洛陽人廩生
十七年任
復設
康熙

許擢

蘭陽人舉人
二十二年任

惠琇

蘭陽人舉人
二十九年任

曹崑

商印人例貢
三十八年任

賈璜

襄城人拔貢
四十二年任

姬大訓

原武人歲貢
四十八年任

王書年

商邱人歲貢
五十二年任

孫瑗

鹿邑人拔貢
六十一年任

戚尚睦

商邱人歲貢
六十一年任

宋苞

禹州人舉人雍正四年任學問
優長造就人材甚多士子感之

湯之畚

睢州人舉人
五年任

王九鼎

葉縣人拔貢
九年任

張象治

新蔡人恩貢
乾隆四年任

劉誦

陳留人廩生
捐貢六年任

劉峻

新鄭人舉人
十九年任

劉用中

尉氏人舉人
二十一年任

胡景崐

固始人舉人
二十二年任

周圖炳

固始人副榜
二十五年任

訓導

明

李

茂

徐州人貢生永樂十一年任

葉

郊

慈谿人十年任

陳

善

宣德五年任

蔣

平

正統元年任

辛

德

任

任

守

通江人景泰五年任

陳

貴

合肥人天順元年任

彭

奎

成化元年任

安

岳

六年任

于

瓚

十五年任

李

淳

二十年任

馬

文明

蒲圻人宏治元年任

楊

鳳

山東人五年任

胡

廣

南宮人七年任

楊

容

山西人十五年任

董

瓚

介休人十六年任

李

綦

七年任青州人十

游

楷

威遠人正

陳

縉

泗水人

韓

宣

武定人

楊

綦

山東人十

趙

雄

鄒陽人十

李

龍

盧龍人十

郝

綺

肥鄉人嘉

石

鏊

蒲圻人

趙

紳

徐州人

劉

韶

徐州人十

李遇輝

邢臺人十

劉永奇

濰縣人十

姜文義

丹徒人二

王憲

處州人二

王墀

即墨人二

湯應鯉

永新人二

田國用

靈印人三

姚謙夫

館陶人三

吳大淮

阜城人三

王豐

初門人貢生
三十八年任

楊羊

岳州衛人貢生
四十二年任

石金

潛山人貢生
四十四年任

朱衣

登州人貢生
隆慶元年任

余天爵

金科

鄭州人貢生

石國柱

范縣人貢生

郭元正

河州人貢生

袁鯤

臨洮人貢生

宋用和

延津人貢生

朱時雍

上蔡人貢生

覃一臣

長陽人貢生

李國柱

武安人貢生

趙必光

趙州人貢生

陳赴選

河陰人貢生

杜杰

盧氏人貢生

張正蒙

臨漳人貢生

董聞禮

陽武人貢生

馬驥

張四科

金縣人貢生

楊光宙 亳州人貢生

陳忠純 樂城人貢生
泰昌元年任

隨致和 邢臺人貢生
天啟元年任

周大賚 鄭州人貢生
五年任

王自立 新鄉人貢生
五年任

李 儻 禹州人貢生
崇正二年任

張 澤

許時復 井陘人貢生
六年任

楊明貞 雲南人貢生
六年任

田 穎 湯陰人貢生
九年任

李可贄 平定人貢生
十三年任

楊宏春 南樂人貢生
十六年任

國朝

李 鵬 清豐人貢生
順治三年任

陳如恂 永城人貢生
五年任

海內格 鄭州人貢生
八年任

李奇柱 長葛人貢生
十二年任

王鳴鳳 偃師人貢生
康熙四年任

胡中立 長葛人貢生
十年任

鄭邦美 榮澤人貢生
十三年任

曹爾望 寧陵人貢生
十六年任

王欽 許州人貢生
二十二年任

較遠養 中牟人貢生
二十七年任

徐楷 杞縣人貢生
二十九年任

錢見龍 鄆陵人貢生
四十一年任

何彝光 杞縣人貢生
四十三年任

李景仙 伊陽人貢生
四十八年任

劉官冕 虞城人貢生
五十年任

盧濟生 陽武人貢生
五十八年任

黃忱 永城人貢生
雍正四年任

王珮瑄 尉氏人貢生
品端學優勤于課士
六年任

王孕秀 湯陰人貢生
十一年任

孫璣 伊陽人貢生
十三年任

范淵林 禹州人貢生
乾隆七年任

雷發育 淮寧人貢生
十一年任

孫筥 夏邑人貢生
十二年任

周煥 鄆陵人貢生
十七年任

賈再至

字德馨臨漳人
歲貢二十年任

孫雲錦

字漢章洛陽人
歲貢二十二年任

許

字山

徐

字山

孫

字山

曹

字山

縣丞

唐

盧

通

大中八年任

元

郭居仁

至元三年任

程

晉

泰定二年任

明

范志

洪武十七年任

齊

威

三十四年任

張

煥

故城人監生永樂十四年任見名宦

王

岳

朝城人景泰三年任

劉

釗

安平人監生天順七年任

馮

盛

馬

俊

成化年間任

李

盛

宏治四年任

劉

紳

陝西人監生十二年任

李

鈺

獻縣人監生十五年任

劉文義

正德九年任

王

聘

真定人監生十五年任

王世美

大同人監生二十年任

劉自文

代州人吏員二十二年任

魏達

高密人監生二十六年任

王

瓚

樂亭人監生二十七年任

賈貴

西克人監生三十四年任

楊

沔

樂亭人監生三十八年任

劉汝器

定州人吏員四十年任

魏

錫

隆慶六年任

張天祐

萬曆六年任

田大有

七年任八年裁缺

主簿

唐

韓抗

宋璟

王屋主簿

宋

魏廣

元

徐德恩

懷州人
見名宦

鄭居敬

至治二年任

王義

主簿兼尉
至元九年任

劉源

至元十年任

郭衡

主簿兼尉
至元十二年任

徐秉中

至元二十三年任

孫重善

明

陳權

洪武十三年任

林澤

海寧人
景泰七年任

吳玘

天順四年任

汪祿

河陽人
監生七年任

龐舜卿

翁清

孫璉

成化二十一年任

楊鳳

宏治四年任

楊忠

平陽衛人監生
正德元年任

任好學

十五年任

蒲璧

崇信人監生
嘉靖元年任

李瓚

九年任

任儒

平遙人監生
十五年任

魏希元

平涼人監生
十七年任

謝鳳

西和人監生
十八年任

甯璪

豐縣人監生
二十六年任

馮邦綸

上津人監生
三十二年任

劉堯煥

臨邑人監生
三十五年任

董淑達

河澗人監生
三十八年任

張旗

吳堡人監生
四十一年任

紀穆

萬歷五年任

方尚禮

尚誦

王三接

二十一年任

楊桂 三十五年任

周坦然

魏懋脩

閻時隱

江良臣

徐中司

劉匡國

劉在泮

國朝

王維籙 河間人順治三年任

安應鳳 浙江人吏員五年任

郭志文 順天人吏員十一年任

何之俊 仁和人吏員康熙三年任

沈良期 大興人吏員十九年任

馮雨 三原人吏員二十二年任

管河主簿於康熙二十四年奉文裁缺調改蘭陽

尉明爲
典史

唐

鄭

琚

天寶年
間任

畢

垆東平人
元和
中任
王屋尉

宋

陳知素

濟源令
省華之曾孫
文惠公堯佐之孫

李昭慶

王弼

明

王

時

洪武六
年任

周

觀

景泰三
年任

陳

棚

瑞安人
天
順七年任

鄭

真

孫

冲

劉

深

延安人
宏
治三年任

劉聰

華州人
七年任

呼延達

石樓人
正德元年任

李瓚

六年任

徐洪

宣城人
嘉靖十七年任

楊汝霖

陝西人
二十年任

傅選

安肅人
二十三年任

曹瀚臣

涪州人

石昆

德州人

廖汝材

臨州人

金朝日

麻城人

田文

萬歷六年任

程待聘

七年任

楊正勤

呂泮

楊喬

三十四年任

和萬邦

三十七年任

宋學敏

三十九年任

張國柱

邱從善

夏逢時

許仁壽

高鑑

胡騰蛟

牛四麟

宋一魁

李應選

崇正末年任見各宦

李公殉流寇之難而舊志職官不書其姓名今補

入

國朝

邱光明

浙江人吏員順治元年任

姜允奇

浙江人吏員順治二年任

陳國祥

順天人吏員八年任

張繼祚

陝西人吏員十四年任

李茂

句容人吏員十七年任

馮景昌

浙江山陰人吏員康熙四年任

于文斗

浙江山陰人吏員七年任

秦森

慈谿人吏員十年任

馬鳴鑿

大興人吏員十六年任
陞福建分水關巡司

曲進學

樂陵人三十四年任

葉一相

大興人四十四年任

顧啟文

宛平人吏員五十五年任

黃梁

浙江山陰人雍正十一年任

唐雲漢

浙江山陰人吏員乾隆十三年任

葛文英

宛平人吏員十四年任

王綸熙

浙江石門人吏員十八年任

沈進

字學山順天籍紹興人吏員捐授十九年任

張世侯

字越才浙江山陰人例監二十四年任

巡檢 邵原鎮

明

牛公玉

劉佐

劉純

陳廷龍

國朝

金中正

胡獻珍

金汝楫

江西南人吏員
順治八年任

張順濬

浙江人吏員
十七年任

傅登吉

山陰人吏員
康熙十四年任
康

張瑒聲

太平人
十一年任

蔣起蛟

獲鹿人
十三年任

萬正芳

南昌人吏員
三十八年任

王肇隆

吳橋人吏員
四十一年任

劉士璉

懷仁人吏員
四十八年任

陳文機

昌平州人吏員
五十二年任

王泰來

大興人吏員
正十三年任

方士乘

大興人吏員
乾隆四年任

王振珏

薊州人吏員
乾隆九年任

孫成名

長山人吏員
十三年任

陳思湖

大興人吏員
十九年任

朱益仁

宛平人監生
二十年任

甯廷棟

字東木湖南善化縣人由
武生捐授一十一年任

駐防

國朝

靳成立

人絳州

方進忠

人遼東

劉金

人山西

韓仲保

人遵化

董世芳

人衛輝

卜汝明

人把總蘭陽

白成龍

人通州

李茂伏

人陝西

張玉

人山西

魏廷國

人大興

康治國

人涼州

聶連

人河內

徐文禮

人洛陽

丁際明

人河內

劉應才

人直隸

張榮

人四川

王世襲

祥符人

楊廷選

山東人

許

標

河內人

王世榮

河內人

卞復旺

河內人

張其焰

獲嘉人

趙國臣

汲縣人

名宦

名不可以虛作濟源多德政碑而事後論定有不盡然者此傳所稱有所有名而不如其無者也循良之實必博求之君子之言而父母斯民者尚思以實心行實政則遺愛既被于閭閻芳名可垂諸簡冊矣志名宦

唐

房瑄脩廢舉墜大著能聲嘗建亭於濟池西隩政事之暇樂與士民遨遊勿禁肅宗時以政最拜相卒贈太尉有徐浩所書遺愛碑在邑舊治

宋

陳省華下車之時親邱民隱勤政施仁濟民愛戴因
家焉嘗有蝗食鄰郡禾獨不入濟境子堯叟堯佐
堯咨相繼登相位封秦國公有善政錄邑人爲四
令祠祀之

金

夏提城東門外漚水汹涌人多溺死公敕建石橋制
如長虹往來利涉功莫大焉

元

梁貞廉明有威澗北民趙成訢虎食牛公保山神而

虎遂死於廟側原昌井深三百餘丈汲者苦水少相爭泣於道公過問故乃爲檄投井中既而水溢足用事聞於朝授監察御史

趙元善字天彝寧城人以儒士尹濟恂恂爾雅邑有滯獄數年不決公始至片言折服政餘即詣學宮誘掖生徒勸民耕桑民思其德立石爲記

徐德恩字義甫懷州人爲邑簿時有蝗入境公禱於城隍翌日風雨大作蝗悉斃歲大旱致禱即雨民甚德之有傳

明

張煥爲邑丞以廉能稱門絕苞苴吏無鈎索稽核丁
口力役之實巡行農畝脩水利贊理一一振舉
陳芳鋤强暴均徭役流移多復業者

歐廉民有爭訟聞公一言即吐情實婚姻死葬無力
者悉賑之公餘至學宮督課諸生別勤惰以復其
家邑人之登賢書者聯翩鵲起有瑞粟產於境內
段永政簡刑清士民感化與學博呂凱陳貴創脩邑
志大有功於文獻

蔣勛蒞任之初崇禮重義學校興行時值饑荒多土
寇乃薄稅恤刑脩城池濟民賴以安全以政最擢

監察御史

侯郡以教諭署縣事七閱月不歛民財止以俸薪贖
緩脩舉明倫堂及兩齋士習釐正民有頌聲

陶金公門屏絕饋遺室人不廢紡績濟民有一清如
水之稱

張芹明敏服人令行禁止行取赴部陞陝西延安知
府

李資元公署倉廩多所脩建于邑志尤重嘉靖以前
典故續加纂輯公與學博司祀之力居多

路宗商尹邑六載摘奸發伏爲俗吏所難歲大侵捐

俸置學田三頃三十畝以周貧生
勗建養濟院自糴臨清米百石餘以活饑民其惠政爲尤著濟人建祠於洪福寺西立碑頌德焉

羅彬濟邑米麥桑棗等賦箕歛叢生公勗行條鞭法民始不擾縣南留養東邨莊一帶厥土沮洳雨多竟成澤國公濬渠洩水歲賴以登

史記言初任半載如愚懦不達吏治者比朝覲回百務振釐奸猾股慄勗建啟運書院館穀課多士文風丕振一時名士如吳公應舉段公國璋周公維新咸出其門相視枋口命石工鑿山開渠二年引

亦如建瓴灌田二百餘頃催科不遣胥役不事鞭
朴但榜曰某里某日而山僻罔不至明季循良第
一擢戶部主事邑人鑄德政碑爲生祠東門外祀
之

石應嵩敏政作人開雲路建倉廩制度俱周詳可法
舊制丁分九則有力者率賄奸吏得中下編審茲
清公始通行條鞭法每丁額銀五分餘銀均入地
畝貧民便之立教讀於各里每月朔接見生徒詢
某某功課以獎其勤善政不可殫述

塗應選歲大旱軹城饑民趙英才等殺焦聞香啖之

公廉得實立請停徵不允涕泣爭辨甘署下考又復設法煮賑全活甚多邑人追思無已祀名宦

李應選浙江金華府永康縣人順治元年十月十三日流寇破濟源公冠帶坐廳寧罵賊不屈被刃而死邑人墓於縣之東門外題曰濟源縣死節典史李公之墓墓旁有碑記其事乾隆七年奉

旨崇祀名宦

國朝

尤應運福建拔貢任濟七載愛養士民清理獄訟興利除弊善政多端邑之紳士立祠于縣治東街事

載感恩碑

甘國墀正藍旗人慈明廉幹時邑有南北黨強族豪棍恃衆橫行公訪拿嚴治惡風以息苗店以東素苦地窪水浸公發穀數百石令民挑渠撤水至今皆成沃壤又開鑿枋口欲引灌邑北一帶旱田工未就調山東汶上縣邑人思之立生祠於縣署東俞沛浙江錢塘人庶務明決訟獄清平脩理黉宮疏通水利而興義學教誨士子皆不惜捐俸爲之延師調任河內兩邑士民思之不忘公建生祠于梨

林孔道

董榕直隸豐潤拔貢才具明敏德性慈祥善政宜民
之處不一而足其重修啟運書院捐俸延師以教
士子復興亨利渠水利爲惠于濟者尤多陞任時
邑人立有感恩碑後歷仕至江西贛南道

濟源縣志卷九

選舉

前明三途並進

興朝因之而科目尤重徵辟始於漢而安昌侯以明經
膺薦唐之張廷珪裴休既第進士或舉制科異等或
舉賢良方正濟邑科名之盛由來久矣其由他途以
登用與被

盛世之恩榮者并書之志選舉

薦舉

漢

張禹有傳

元

成方溫令以廉能稱

明

郭大亨

洪武初以經學授本縣訓導

苗大本

洪武初舉人材由探花郎仕至兵部郎中

張秉

宏治九年以人材舉
仕至戶部員外郎

李昇

以人材舉
仕應州判

進士

唐

張廷珪

有傳

裴休

有傳

馮鋌

大中八年

宋

鄒弁

景祐二年

傅察

有傳

傅伯成

察之孫累官集英殿脩撰寶謨閣學士

金

辛甲

大定十九年任至懷孟中路副使

元

袁與時

元至治元年

賈義方

初授樂平尹擢御史明洪武間復舉人材巡按山西

明

馬通

洪武丁丑科任監察御史

范濟世

萬歷戊戌科任南京戶部尚書

段國璋

癸丑科有傳

周維新

己未科歷官監察御史陝西督糧道參議

國朝

段昌祚

順治丙戌科有傳

劉漪

丙戌科有傳

李芳華

辛丑科任文安知縣子為鳳監生

段維袞

康熙甲辰科有傳

璩廷祐

辛未科有傳

李紹周

丁丑科有傳

李

璵

丙戌科
有傳

王錫慶

己丑科任廣東
南海縣知縣

璵廷慶

壬辰科
有傳

何達善

雍正癸丑科乾隆丙辰
恩科殿試二甲
欽點翰林院庶吉士歷陞江南淮徐海道

張錫齡

壬申恩科
殿試二甲

衛肅

甲戌科殿試二甲
欽點翰林院庶吉士
散館陞編修

衛詣

丁丑科殿試三甲
任工部額外主事

舉人

明

馬浩

洪武甲子科任工部主事
舊志送士內無馬
浩名舉人內又無馬通官職亦互異
查康熙年間懷慶府志載濟源馬通為洪武甲子科
舉人丁丑科進士無浩名似馬浩即為馬通

王寬

永樂戊子科
任靈卬訓導

郭敏

辛卯科
任雲南推官

蔡幹

丁酉科

孔郊

癸卯科

辛玉

天順己卯科
任同州知州

郭滋

己卯科
任蔚州知州

孫震

壬午科
任觀成知縣

謝智

成化乙酉科
任石樓知縣

吳廷貴

丁酉科

王紀

丙午科
任應州知州

李拱

宏治己酉科
任晉府審理

于宗堯

正德庚午科
任知縣

范濟世

萬曆辛卯科
見進士

吳應舉

丙午科
時有臨黃館文集
以博學名於

段國璋

己酉科
見進士

周維新

己酉科
見進士

段昌祚

崇正壬午科
見進士

國朝

許士造

順治乙酉科

劉漪

乙酉科 見進士

段綿祚

乙酉科 有傳

苗爾嗣

丙戌科

翟際明

戊子科

李生榮

辛卯科

侯榮圭

辛卯科 有傳

周猶龍

甲午科 參議維新之子 經魁任內鄉教諭

郝乘龍

甲午科

李芳華

庚子科 見進士

李中茂

庚子科 磁州學正

段維袞

康熙癸卯科 經魁見進士

劉珣

癸卯科 貢生潞之子 初任浙江建德縣知縣 有德政邑人為之作歌 後補陝西郃陽縣知縣

楊雲鶴

癸卯科 任汜水縣教諭

舉人

段維宸

丙午科經魁泰州知州振蛟之次子南充縣知縣維宸之弟任福建福清縣知縣

翟鴻儒

丙午科

翟翰儒

已酉科任密縣教諭

衛赫聲

已酉科宜陽縣訓導彛鉉之子任湖南江華縣知縣

李紹周

辛酉科亞元見進士

璩廷祐

甲子科貢生美斯之子廷舉之弟見進士

璩廷舉

丁卯科廷祐之兄

劉璿

癸酉科御史濟之長子

李國正

已卯科歷任泌陽伊陽教諭

喬德庚

已卯科字相如任商邱教諭

璩廷慶

壬午科亞元見進士廷祐之弟

璩廷瑞

壬午科慶之弟

李璵

乙酉科見進士

王錫慶

乙酉科見進士

魏雲鵬

戊子科

李珣

辛卯科有傳

段景文 丁酉科

璩廷祥 庚子科
瑞之弟

侯錦章 雍正元年癸卯

璩士适 癸卯 恩科 有傳
鎮鹽大使 補信陽州學正

璩士修 甲辰科 字以敬 初任山西襄垣
縣知縣 補授直隸南樂縣知縣

何達善 丙午科 見進士
段象觀 巳酉科 新鄉
縣學教諭

璩士達 壬子科
楊安民 乾隆元年丙
辰 恩科

何復善 丙辰 恩科 任山東清平縣
知縣 陞雲南和曲州知州

何樂善 丙辰 恩科 任山東
東福山縣知縣

周廷佐 辛酉科 任陳留縣教
諭 陞江南婁縣知縣

衛肅 甲子科 見進士

平原縣志
卷之
選舉
舉人

張錫齡

庚午科
見進士

王璵

庚午科

陳常

壬申
任嵩縣
教諭
恩科

李方茂

癸酉科

張應璽

癸酉科

王冲

癸酉科

衛詣

丙子科
見進士

衛謀

丙子科

郝體元

庚辰
恩科

貢生

明

宋繁允

李思義

任經

王恕

任密縣
教諭

陳翥

任大理
評事

宗圖遠

候選通判

原

本

任遂萊主簿

郎

敏

有傳

樊

稼

任交趾寧化知府

董

美

懷慶府伴讀

姚

悅

御史陞雲南副使

趙

端

知府大同

孟

棗

李

郁

任交趾廣威州知州

李

琬

任青州經歷

盧

楫

任教諭

賈

亮

任青州經歷

牛

諶

任御史御

李

翰

任吏目

王

復

任襄府典儀

李

芳

任兩浙運司

樂

敬

任衛經歷

楊

顯

任昌邑知縣

侯

紳

任衛經歷

范

恕

任寧國照磨

賀

仁

任教諭

孔志昂

任臨汾主簿

李

實

任主簿

郎達

任經歷

王

琛

任序班

王琛成化時任休寧縣丞見徽州府志

郎

敏

任州判

郎敏有二見府志並順治康熙舊志官職不同其一載題名碑是天順間人

朱

瑩

任州判

李

睿

任縣丞

韓

銘

任知縣

王

厚

任知事

史

紀

任經歷

田

俊

任無錫縣丞

王蕃

諭教

任

原美

州判

任太倉

劉思忠

任縣丞

李秉彝

任縣丞

王良臣

任主簿

李岩

任訓導

郭吳

任訓導

吳守義

任訓導

王啟翔

任主簿

張玠

任主簿

李濟

任主簿

馮時

任主簿

趙隆

任主簿

段章

任縣丞

翟良臣

任雲南按察司檢校

李來儀

任曹縣主簿

陳英

任州判

李朝用

任縣丞

梁材

李來輔

蔡宥民

任吏目

王應詔

任按察司檢校

卞璽

任慶陽府通判

王應宗

任隴州吏目

楊子高

任任印主簿

任佳

任霍州同

張學道

任潞城訓導

郝文元

任教諭

翟朝元

任寧晉知縣

張學禮

任莒州學正

郝九鳴

任仟

任信陽縣丞

任佐

張學詩

任汶縣教諭

田芄

任來安訓導

任珮

任襄陵教諭

畢自龍

劉川

劉鳳鳴

陳邦畿

王 琚

于九敘任臨
訓導

張好學

李 珩

史 竒

王 珩任
縣知

楊 宗

李 容任
授教

張尚策任
正學

張守愚

姚 潭

張守紀

紀 鼎

任 朴任
諭教

任 泮任
訓導

王 璣

王天敘任
縣知

任 椿

李 汎

劉 煖任
諭教

任樟

郭天允

任三水知縣

路希思

任上蔡教諭署縣事

李在公

任開封訓導

李時新

任山陽知縣通安知州

郭繩芳

任通道知縣

郝大有

任淮

鄭養性

任河陰訓導

姚思恭

許宏遠

任武安訓導

劉宰

李雲鶴

任楫

范濟宇

任安慶通判

燕之藩

張孔傳

楊茂功

任學正

王慥

任岳陽知縣

賈若時

任許州訓導

郭之翰

李培厚

任彭德訓導

衛聖言

任原武訓導

趙一元

任周府教授

閻士選

有傳

趙世英

尹就湯

張錫士

李時成

順治舊志所載前明貢士一百九人康熙舊志增三人府志較多今從府志

國朝

鄭脩甲

任朝邑知縣

翟一元

任開封縣丞

周松年

順治丙戌拔貢授絳州同知未任而卒內鄉教諭猶龍子

歐三省

任汜水訓導
陞襄城教諭

段振鯤

考授
通判

宗錫允

任榮澤訓導
陞彰德教授
教諭陞遷封卹

朱國華

任新鄭訓導

段振蛟

任秦州知州

趙宇明

任平陰知縣

鄭爾家

翟霖普

考授
縣丞

李楓

有傳

劉潞

甲午拔貢御
史漪之兄

張爾經

任原武訓導

侯振邦

衛彝鉉

歲貢任宜
陽訓導

賈孚吉

歲貢任舞
陽訓導

王記禮

拔貢

孫振振

歲貢任臨
漳訓導

薛所知

恩貢

王美

歲貢

呂兆渭

歲貢

李作舟 歲貢任武安訓導

劉家貞 歲貢任閔鄉訓導

翟羽宸 歲貢

鄧林 歲貢

王 澎 歲貢

宋 恒 拔貢任獲嘉教諭

劉 澎 御史游之弟

劉 琛 拔貢游之子

吳涵鐸 歲貢應舉四子

李士璠 歲貢

許 漢 歲貢

璩美斯 有傳

以上見康熙年間舊志

恩貢

衛 珣 康熙四十七年貢

牛 瑜 有傳

李 炳 乾隆元年貢

孫兆麟

齊原系志 卷九 選舉 恩貢

楊惟喬

拔貢

宗觀光

雍正癸卯拔貢
任總平教諭

衛哲治

巳酉拔貢歷仕
至大司空有傳

楊濟民

乙卯拔貢

李光國

乾隆辛酉拔貢

李友益

辛酉拔貢

副榜

李熙

康熙丁酉科
任永寧教諭

郭文煥

庚子科任
儀封教諭

段孟元

雍正癸卯科

歲貢

周桂齡

有傳

楊

珍
有傳

翟

琨

任祥楚訓導

翟

璠

任鹿邑訓導

楊元章

有傳

何起龍

任林縣訓導

李如璉

任清川訓導

王業峻

任汝寧府訓導

許謙

任南陽府訓導

以上已出仕

李含章

有傳

李鉞

史標

王貞

周文炳

翟俊儒

范蘭生

有傳

張暹

李榮昌

王蓋

趙汝章

王式王

任純 有文名子廷符
監生潤下庠生

以上康熙年間

楊揖 雍正元
年貢

宗大慶

李櫛

張允戎

楊允

以上雍正年間

趙幹

吳國揖

李夢麟

劉孔宗

牛毅

段陳常

趙濂

周仲箕

府庠丙寅歲貢以善行公舉名載彰善坊當
事旌其門曰孝友醇儒需次司訓因年高奉

文看驗力
辭不赴

牛乙貴

蔣允奎

翟樛

李幹

許汝寔

例貢

例貢何監舊志附于貢士之後無年分可考今乃之

翟冲霄

任曲沃主簿

任應期

任澄城縣丞

王之相

任鴻臚序班

李存誠

任狄道縣丞

史鼎彝

任常熟主簿

郭應響

任徐州州判

趙養順

任孝義主簿

段國琦

任無爲州判

段國瑜

號蘭堂任經歷封寧波府通判知州振蛟考授通判振鯤之父進士維震舉人維震之祖

裴元吉

任成都府經歷

李躍龍

郭繩武

趙章自
任光祿寺署丞

李在中

李紹綱

任四鶚

劉祖訓

張啟麟

王貫

以上見康熙年間舊志

段允持

有傳

王錫朋

任新野訓導

王勉

任光山訓導

段懋德

任中牟訓導

段志道

任汝州訓導

李琬

段敬修

有傳

段元文

任蘇州知州
管泰州海防同知

段祥文

李珩

子光國
辛酉拔貢

李友善

任秦州知州

李友适

段以敬

任結安州吏目陞鎮安府知事現任江南靖江縣縣丞

李温

孔傳世

王錫元

王建元

李天秀

周金勳
任和曲州吏目

酒文宏

王珉

趙家樑

趙居謙

李師顏

李友望

李應殿

候選九品職銜

酒丙

翟兆龍

不
系
不
一
選
舉
例
貢
三

例監

李鳴鳳

文安縣知縣
芳華之子

李翔鳳

段維藻

貢生
振鯤之子

翟蔚儒

宋芳譽

程淑灝

侯立德

石縣知縣
丞以詩名
靈榮圭長子

侯立猷

考授縣丞
榮圭次子

李尚志

考授州同舉
人生榮子

李景秀

考授吏目

周喬年

考授州同內鄉
教諭猶龍幼子

劉璪

御史游
子行四

翟碩儒

周鶴年

喬年之兄
考授吏目

李泰生

考授州判

郭加貞

考授州判

孔道一

考授州判

陳建勳 考授縣丞

苗垂芳 考授州同

侯賜璵

劉興雲 舉人

周舜年 鶴年

王錫章 考授縣丞

盧林昌 考授縣丞

程淑泗 考授縣丞

周道成

李元培

李元懋

周良翰

吳秀生 舉人應舉之子

吳炳 應舉孫

周永齡 考授州同知子振岐以子廷佐貴贈脩職郎

吳國炳

翟大倫

翟璜

李如瑜 以上見舊志

劉震

山東利津縣丞

段志功

候選縣丞

段鴻陞

浙江景寧縣典史

段鴻圖

鬱林州吏目

段以獻

捐授詹事府主簿

段以信

任四川簡州知州

段以廉

任鶴峯州知州

李經國

候選州同

李華國

候選典史

翟允基

任肇慶府僉大使

李致道

候選典史

李福國

候選州同

衛時敏

捐縣丞現任雲南廣羅尾銅務事

李璋

考授州同

翟有容

考授縣丞

鄭鴻儒

考授州同

王又炎

考授州同

王作柄

考授州同

宗澳陽

考授州同

王正元 考授主簿

翟瑜 考授吏目

王朝翰 考授州同

史繹心 考授州同知

李琮 考授吏目

劉楷 考授縣丞

楊會泰 考授吏目

楊朝柱 考授主簿

劉景銓 考授吏目

孔毓澗 考授州同

李國柄 考授吏目

楊朝遴 考授吏目

李茂泗 考授吏目

武職

元

苗世榮

至正元年徵爲奉議大夫大都路總管府事左警巡院使徽州

雷寬

以千總授襄陽等處冠軍

孫珙

襲父威順天安平懷州等路甲匠都總管嘗製甲二百八十襲以獻

梁材

因太行盜發負矢石募義勇膺爵元帥

明

魏鍾

官錦衣衛千戶奉使採礦處州

魏大經

鍾之子嘉靖三十年以勞績歷官錦衣衛指揮使見孝義

楊國政

崇正十一年以武功歷官山西大同宣府後軍都督同知

國朝

李奇英

順治元年以武功歷官副將

安化龍

順治二年以武功歷官副總兵

楊兆慶

國正子順治三年以武功歷官胡廣沅鎮叅將

武科

明

賈國翰

崇正壬午科任
睢州衛千總

郭

翰
壬午科任
壽州衛千總
江南

史載勳

壬午科任
湖廣守備

國朝

朱家維

順治乙酉科任
南英武衛千總
江

張憲章

乙酉科任
德州衛千總
山東

王必成

戊子科任
州衛千總
北直通

姚應時

乙酉科

苗天印

乙酉科任
彰德衛千總
河南

史定國

庚子科

韓斌

康熙巳酉科

翟開國

巳酉科

翟定國

戊午科

翟于林

辛酉科

尹汝璽

丁卯科

楊聖武

庚午科都督同知國政孫叅將兆慶子

秦炳

椽吏

曹祚昌

南海縣江浦司巡檢

梁殿文

常熟縣黃泗浦港巡檢

梁際世

大庾縣赤石嶺巡檢陞黔西州吏目

郭生文

仁和塘樓鎮巡檢

陸聖祥

陝西安塞縣典史

閔開正

雲南永北府知事

張明桂

英德縣巡檢

張升吉

福建長樂縣典史

梁肇基

江浦縣典史

梁耀祖

甘肅永昌縣典史

史臣堯

沁水縣典史

郭宏爵

四川納溪縣典史

呂永存

安徽鳳陽縣主簿

壽官

附

趙之珩

梨林村人壽至百歲猶聰明矍鑠康熙五十年同各省老民赴京恭祝萬壽酒宴路費雍正元年恩授八品頂帶

封贈

明

周邦正

以子維新初贈山西長子縣知縣再贈廣東道監察御史配李氏累贈孺人

國朝

段相

以孫國璋一級誥贈通奉大夫工部左侍郎加一級配李氏誥贈夫人

段可行

以子國璋一級誥贈通奉大夫工部左侍郎加一級配呂氏誥贈夫人

齊原縣志

卷之八選舉

封贈

七

段國瑜

以子振蛟配
勅贈承律郎浙江寧

璩鳴玉

以孫廷慶配
勅贈承律郎浙江寧

璩美斯

以子廷祐配
勅贈承律郎浙江寧

段綿祚

舉人以子允持
勅贈文林郎四川江安縣

李端

字懷方以子紹周
勅贈通議大夫配薛氏

李紹周

監察御史以子珣
勅贈通議大夫辰永沅

靖兵備道配齊氏
側室趙氏贈淑人

李紹綱

字東藩歲貢生以子瑛
直隸大名府知府配段氏
誥贈中憲大夫

段補袞

廩生以嗣子志熙
布政使司配李氏繼配李氏並贈夫人

段無技

官生以子志熙
江布政使司配
關氏誥贈通奉大夫浙

李珣

山東按察使任
湖南糧道時遇
覃恩誥授
中憲大夫任辰永沅靖兵備道時
誥授通

議大夫以子友善任
泰州知州晉贈通議大
夫配王氏初贈恭人再
贈淑人晉贈淑人繼

配翟氏初封恭人再
封淑人晉贈淑人

何騰龍

字禹汲必孫達善
池贈文林郎翰林院庶
吉士晉贈中憲大夫配
鄭氏馳封孺人晉

贈恭人

衛藩侯

字伯元以孫哲治
誥贈資政大夫安徽巡
撫都察院右副都御史
例贈光祿大夫工部

尚書配韓氏李氏張氏俱
誥
贈夫人例贈一品夫人

何兆祥

字福全以子達善
勅封文林郎翰林院庶
吉士晉贈中憲大夫配
蘇氏勅封孺人晉

贈恭人

衛邦彥

字名卿以子哲治、誥封資政大夫安徽巡撫都察院右副都御史劄贈光祿大夫工部

李勳

尚書配李氏 誥贈夫人劄贈一品夫人 職郎伊陽縣教諭勳贈脩

段志道

汝州訓導以嗣孫以信 四川簡州知州配李氏 馳贈奉直大夫

段致和

國學生以嗣子以信 四川簡州知州配皇甫氏 誥贈奉直大夫

段元文

字正起江西南泰州知州以子以信 直大夫四川簡州知州配吳氏 誥封奉

侯立猷

太學生考授縣丞以子錦章 夏邑縣教諭應封文林郎 勳封修職郎 嘉禾縣知縣

配郝氏 勳封八品 孺人應封七品孺人

何兆瑞

太學生以姪達善 南徽州府知府加二級 馳封通議大夫江

周振岐

字鳳鳴由庠生例入太學生以次子廷佐 馳贈修職郎開封府陳留縣教諭配李氏

馳封八
品孺人

襲廕

段無技

以祖國璋廕
官貢監生

段有容

以祖國璋廕恩監生候選光祿寺典簿有
傳子寬太學生志功候選縣丞

段補袞

以祖國璋
廕恩監生

段志熙

補袞卒後承廕歷官
浙江布政使司有傳

段志寧

無技卒後承廕官貢
監生補光祿寺典簿

論曰進士之制昉於隋至唐而彌重顧其選極難唐

制歲舉進士試每科多不過二十人少則十二人或

七八人餘則爲明經與制科故唐世進士有登瀛之

目宋太宗始廣其途每科多至七八百人英宗治平四年定爲三年大比之制至于今不改明之中世自宰相以迄天下郡縣吏皆出進士其勢綦重歸熙甫著三途并用之議蓋以救其弊也

本朝立賢無方惟才是擇而亦未嘗不以進士爲稱首然豈徒誇才炫技拾青紫爲榮哉夫人非以科目重科目以人重學問淵雅者誰品望翰煜者誰宦績昭彰者誰將以觀士人出處之實自不可不敘述其始進之由耳